

WIENER

Entomologische Monatschrift.

Redaction und Expedition:

Landstrasse, Gärtnergasse Nr. 45.

In Commission bei

Carl Gerold's Sohn, Stadt Nr. 625.

Nr. 4.

V. Band.

April 1861.

Lepidoptera nova Columbiae,

diagnosibus collustrata a C. et R. Felder.

Series secunda.

51. *Terias Rhodia* Moritz in litt.*Terias Elathea* var. A. Boisd. Spec. gén. I. p. 665?

Alis anticis ♂ ris supra sulphureo-flavis, costa parum nigricanti aspersa, limbo terminali nigro-fusco, vitta interna cano-fusca, tomentosa, posticis albidis, margine terminali (ad apicem multo latius) fusco, ♀ nae omnibus supra albidis, anticis sulphureo plus minusve tinctis, costa ad basin nigro conspersa, limbo terminali fusco, posticis limbo apicali (saepius obsoleto) fusco, subtus omnibus utriusque sexus rufescenti-ochraceis, saturatius aspersis, anticis disco toto sulphureo-flavo, posticis punctis duobus nigris.

Venezuela, in provincia Caracas. (Dr. Moritz.) Coll. Kaden et Felder. — *T. Deliae* Cram. valde similis.

52. *Terias Medutina* Moritz in litt.

Alis anticis supra pallide sulphureo-flavis, costa ad basin nigro atomata, limbo terminali subangusto fusco, vitta lata interna cano-fusca, tomentosa, margine interno luteo, posticis albidis, fusco marginatis, subtus anticis concoloribus, margine interno nitide margaritaceo, posticis margaritaceo-albidis, atomis sparsis fuscis. ♂

Venezuela. (Dr. Moritz). Coll. Kaden et Felder. — Praecedente, cui affinis, major.

53. *Terias Marginella* Moritz in litt.

Alis utrinque albis, supra anticarum limbo externo usque ad angulum analem, posticarum margine terminali nigrescenti-fuscis, illis supra costa ad basin nigro aspersa, subtus basi sulphurea. ♂

Venezuela. (Dr. Moritz). Coll. Kaden, Mus. Caes. Viennensis et Felder. — Ex affinitate *T. albulae* Cram.

54. Erycina Neurodes Moritz in litt.

Alis cinereis, utrinque fascia communi discali alba, striisque exterioribus inter venas, albidis, posticis angulo anali porrectis et truncatis, fasciola anali aurantiaca. ♂

Venezuela. (Dr. Moritz). Coll. Mus. Caes. Viennensis. Ecuador, Peru. Coll. Felder. — Propriam format sectionem, illi *E. Lysippi* L. affinem, alis brevioribus et angustioribus, palpis longioribus ramoque secundo subcostali alarum anticarum proxime ad cellulae extimum emisso recedentem.

55. Calydna punctata Nob.

Alis supra nigro-fuscis, subtus pallidioribus, utrinque punctis numerosis minutis aliisque majoribus in margine albis. ♀

Ecuador. Coll. Felder. — *C. Chasebae* Hew. similis.

56. Theope Publius (Moritz in litt.)

Alis supra pallide caeruleis, anticarum extimo, posticarum costa late fuscis, illis in ♀ na macula subapicali caerulescente, subtus omnibus ♂ ris brunnescentibus, ♀ nae ochraceis, fascia discali fusciscente, utriusque maculis duabus subanalibus atris, albo cinctis.

Venezuela. (Dr. Moritz). Coll. Kaden et Felder.

57. Amarynthis Hypochalybe Nob.

Alis supra olivaceo-fuscis, nigro strigatis, subtus pallide plumbeis, virescenti micantibus, strigis duabus communibus externis, margine, fascia basali binisque discalibus virescenti-nigris, abdomine apice fulvo piloso. ♂

Cordillerae Bogotanae. Coll. Felder. — Facies et magnitudo *A. Meneriae* Cram., alae autem breviores, ramus medianus primus et secundus alarum anticarum magis deorsum directi et cellula posticarum longior.

58. Symmachia Arete Nob.

Alis supra brunneis, extus obscurioribus, basi discoque viridi aspersis, anticis fascia lata atomaria virescenti, striga subbasali nigra, altera externa plumbea tertiaque maculari submarginali fulva, posticis in regione anali virescenti conspersis, striga postica virescente fasciolaque in margine posteriore fulva, subtus omnibus canescentibus, anticis plaga basali testacea, macula plumbea notata. ♂

Ecuador. Coll. Felder. — *S. Colubri* Hübn. minor.

59. *Symmachia Mantinea* Nob.

Alis supra fuscis, anticis basi fasciaeque atomaria discali virescentibus, striga exteriore plumbea, macula subapicali rufa strigaque submarginali maculari nigra, posticis dimidio postico viridi atomatis, fasciola postica viridi, margine exteriore fulvescenti-brunneo, nigro punctato, subtus nigricantibus, anticis maculis duabus ad costae basin tertiaque subcostali plumbeis, quarta cellulari rufa. ♀

Ecuador. Coll. Felder. — *S. Colubri* Hübn. valde affinis.

60. *Symmachia Galbula* Moritz in litt.

Alis supra fuscis, linea submarginali plumbea, nigro maculata, anticis plaga costali atomaria viridi strigaque externa maculari nigra, posticis striga exteriore viridi, subtus omnibus testaceo-rufis, nigro obsolete maculatis, anticis maculis minutis anterioribus plumbeis. ♀

Venezuela, in provincia Caracas. (Dr. Moritz). Coll. Kaden. — *S. Castaliae* Mén. accedere videtur, sed statura minor.

61. *Emesis Tenedia* Nob.

Alis ♂ ris supra rufescenti-fuscis, ♀ nae pallide fulvo-brunneis, strigis transversis flexuosis nigris, cano tinctis, subtus omnibus ferrugineo-fulvis, obscurius strigatis. ♂.

Venezuela. (Dr. Moritz). Coll. Kaden. Nova Granada in provincia Bogotá, prope pagum Muzo. (Prof. Uricoechea). Coll. Felder. — *E. Arminio* Fabr., cui affinis, multo gracilior et plus quam tertia parte minor.

62. *Emesis Cypria* Nob.

Alis supra rufescenti-fuscis, lituris basalibus nigricantibus, anticis utrinque fascia transversa fulva, posticis strigis tribus nigricantibus, subtus omnibus ferrugineo-fulvis, strigis paginae superioris sed ferrugineis. ♂

Venezuela. (Dr. Moritz). Coll. Kaden. — Magnitudo antecedentis.

63. *Charis Hermodora* Nob.

Alis supra obscure fuscis, strigis punctisque submarginalibus seriatis nigris, lineis duabus externis margini parallelis plumbeis, subtus pallidioribus, strigis punctisque paginae superioris, linea tantum unica submarginali plumbea. ♂

Venezuela. (Dr. Moritz). Coll. Kaden et Felder. — *Ch. Cleodora* Godt. affinis.

64. *Charis Nilus* Moritz in litt.

Alis supra fulvo-brunnescentibus, strigis macularibus cinereis, lineis duabus externis punctisque interjectis plumbeis, anticis macula costali alteraque interna cinereis, subtus omnibus fulvescentibus, maculis parvis punctisque submarginalibus seriatis nigricantibus. ♀

Venezuela. (Dr. Moritz). Coll. Kaden et Felder. — *Ch. Azorae* Godt. similis videtur.

Moritzia Nob. aff. *Hadeco* Westw. 1857

Antennae Palpi brevissimi. Caput mediocre, valde retractum.

Alae integerrimae, rotundatae, cellulis clausis, anticae vena subcostali quadriramosa, ramo primo ante cellulae extimum, secundo ad illud oriente, venae medianae ramis aequaliter inter se distantibus, posticae ramis duobus subcostalibus venaque discoidali ante medium alae aequalibus intervallis emissis.

Genus facie et venarum dispositione ab omnibus Erycinidis ad praesens descriptis manifeste distinctum, optimum tenet locum inter *Mesosemiam* Westw. et *Eurygonam* Boisd.; habitu robustiore venisque alarum anticarum huic, alarum forma posticarumque venis illi paulum accedit.

65. *Moritzia paradoxa* Nob.

Alis nigricantibus, subtus singulis macula basali testacea striisque inter venas albidis. ♀

Venezuela, in provincia Caracas. (Dr. Moritz). Coll. Kaden. (Unica.) — Facies omnino *Nymphalidarum*, color et signatura iis *Morpheidis Ehrenbergii* Hüb., ejus staturam superat, valde similes.

66. *Mesosemia Amiana* Moritz in litt.

Alis supra fuscis, anticis intus violaceo atomatis, strigis duabus lituraeque discali violaceis, macula ocellari atra, albo pupillata, flavido cincta, posticis dimidio basali, fascia strigaeque exterioribus violaceis, subtus omnibus brunneis, striga subbasali alteraque discali albidis fusco cinctis (hac in posticis linea fusca divisa) binisque exterioribus obsoletis fusciscentibus, anticarum oculo discali bipupillato alteroque inferiore minimo, posticarum oculo parvo unipupillato atris, flavido cinctis. ♂

Venezuela, in provincia Caracas. (Dr. Moritz). Coll. Kaden et Felder. — *M. Lamacho* Hew. affinis.

67. Lemonias Albinus Moritz in litt.

Alis supra glaucescenti-albis, anticis litura discali strigaeque lata introrsum fulvo terminata et sinuata fuscis, fasciola curvata subapicali maculisque exterioribus fulvescentibus, posticis macula costali aliisque in limbo apicali fuscis, subtus omnibus fusciscentibus, maculis majoribus basalibus fasciaque communi (anticarum interrupta) albis, posticis maculis duabus analibus atris albo cinctis. ♂

Venezuela, in provincia Caracas. (Dr. Moritz). Coll. Kaden. — *L. Glaphyrae* Doubldy affinis, tertia vero parte major.

68. Lemonias Kadenii Nob.

Alis anticis fuscis, area interna subtrigona, macula subapicali alteraque costali inferius rufa albis, posticis albis, basi paulum margineque externo fuscis, omnibus supra striga antemarginali plumbea. ♂

Venezuela, in provincia Caracas. (Dr. Moritz). Coll. Kaden et Felder. — Species eximia, magnitudine et forma *L. Thermodoës* Hüb., signaturis vero *Eubagidum*.

69. Limnas Cinaron Nob.

Alis nigris, subtus albido venatis, posticis utrinque margine posteriore aurantiaco. ♀

Nova Granada, in provincia Bogotá prope Muzo. (Prof. Uricoechea). — *L. Xeniae* Boisd. accedit, statura autem minor et alae latiores.

70. Necyria Fulminatrix Nob.

Alis atris, supra fascia angusta media maculari maculaque interna posticarum miniaceis, anticarum maculis adjacentibus atomariis seriatis, posticarum fascia submarginali, venis divisa nitide cyaneis, subtus anticis obscure aeneo tinctis, disco virescenti-cyaneo radiatis, macula interna miniacea, posticis limbo costali, maculis discalibus et exterioribus eleganter cyaneo fulgentibus, macula magna sub-anali miniacea, abdomine miniaceo bistrigato. ♂

Nova Granada. Coll. Felder. — Affinis *N. Manco* Saund.

71. Acraea Erinome Nob.

Alis supra nigricantibus, anticis utrinque fascia lata exteriori venis divisa testaceo-rufa, posticis subtus brunnescenti-griseis, venis striisque nigricantibus. ♂

Ecuador. Coll. Felder. — Propriam format sectionem, vena discoidali alarum posticarum ramo tertio mediano sat approximata optime

distinctam. Facies et magnitudo *A. Hylonomes* Doubldy. Specimen possidemus, cujus alae posticae venam discoidalem et ramum tertium medianum e trunculo communi orientes praestant.

72. *Acraea Stratonice* Latr.

♀ Alis supra rufescenti-fuscis, anticis utrinque basi ferrugineis, fasciaque lata adjecta flavida, macula discali grossa fusca.

Venezuela, in provincia Caracas. (Dr. Moritz). Coll. Kaden.

73. *Eucides heliconioides* Nob.

Alis supra nigro-fuscis, anticis macula angulata ad cellulae extimum fasciolaque adjecta irregulari maculari ochraceis vel miniaceis, posticis saepius miniaceo striatis, subtus omnibus brunneis, fasciola striisque paginae superioris, posticis macula basali ochracea punctisque antemarginalibus glaucescentibus. ♀

Ecuador. Coll. Felder. — *E. Thali* Cram. accedit, sed palpi longiores et facies omnino *Heliconiarum*. Specimina tria in pagina superiore sat inter se diversa ante oculos habemus. Unum fasciolam alarum anticarum miniaceo-, duo ochraceo coloratam gerunt; horum alterum striis miniaceis omnino caret.

74. *Eucides Dynastes* Nob.

Alis anticis supra nigricantibus, utrinque vitta discali apice in ♂ re flavida, in ♀ na ochracea alteraque interna fulvis, macula lata ad cellulae extimum, altera discali fasciaque maculari subapicali in ♂ re flavidis, in ♀ na ochraceis, posticis fulvis, vittis duabus margineque nigricantibus, hoc serie unica macularum glaucescentium binatarum.

Venezuela. (Dr. Moritz). Coll. Kaden et Felder. Bogotá. Coll. Felder. — *E. Anaxae* Boisd. mexicanae valde affinis, sed facile absentia punctorum marginalium in pagina inferiore alarum posticarum dignoscenda.

75. *Agraulis Glycera* Moritz in litt.

A. Moneta Boisd. Spec. gén. Atlas. taf. 10. fig. 7. non Hübner. Doubldy.

Alis supra omnino saturate fulvis, venis, margine externo, anticarum fasciolis duabus posticarumque striga interrupta nigris, his maculis grossis submarginalibus fundi colore, subtus omnibus saturate fuscis, anticarum apice posticarumque pagina tota grosse argenteo maculata, illis maculis duabus cellularibus unaque discali rufescentibus, fascia maculari vittisque duabus internis fulvescentibus. ♂

Venezuela. (Dr. Moritz). Coll. Kaden et Felder. Nova Granada in provincia Bogotá prope Muzo. (Prof. Uricoechea). — *A. Monetæ* Hüb. n. valde similis, minor autem et characteribus supra datis primo intuitu recognoscenda.

76. Eresia Encina Nob.

Alis supra obscure fuscis, anticarum macula discali, altera subcostali tribusque posterioribus, posticarum fascia discali maculisque binis apicalibus pallide ochraceis, subtus anticis macula basali testacea, maculis paginae superioris multo majoribus aliisque apicalibus argenteis, posticis argenteo-albidis, strigis duabus basalibus, tertia abbreviata interiore fasciaque adjecta externa interrupta fuscis, hac strigam testaceam includente. ♂

Ecuador. Coll. Felder. — *E. Polinae* Hew. affinis.

77. Eresia leucodesma Nob.

Alis fuscis, fascia perlata discali (anticarum subinterrupta) lunulisque angustis submarginalibus albis, anticis macula discali alba, subtus basi ochracea, posticis ibidem basi albida maculisque quinque ocellaribus nigris externis. ♀

Venezuela, in provincia Caracas. (Dr. Moritz). Coll. Kaden et Felder. — Affinis *E. Herae* Cram.

78. Eresia Delphia Nob.

Alis supra fuscis, striga communi submarginali undata fulvescente, anticis macula disci fasciisque duabus angustis interruptis fulvescentibus, posticis basi ferrugineo varia, fascia discali ferruginea alteraque fulvescente, maculis grossis nigris ornata, his subtus maculis quatuor basalibus, fascia geminata lunulisque exterioribus subargenteo nitidis, maculis quinque posterioribus atris, ochraceo cinctis maculaque ochracea in margine postico. ♂

Nova Granada, in provincia Bogotá prope Muzo. (Prof. Uricoechea). Coll. Felder. — *E. Tharo* Drury accedit, alae vero magis elongatae.

79. Eresia Drusilla Herr.-Schäff. in litt.

Alis supra fuscis, anticis maculis quatuor discalibus, duabus exterioribus strigae interruptae maculari submarginali fulvis, posticis fascia discali lineisque binis posterioribus undatis fulvis, subtus anticis maculis insuper duabus basalibus fulvescentibus apiceque cinereo, posticis cinereo variis, lineis basalibus fuscis, striga lunularum albida, medio angulata pone discum. ♂ ♀

Venezuela. (Dr. Moritz). Coll. Kaden et Felder. Nova Granada, in provincia Bogotá prope pagum Muzo. (Prof. Uricoechea). Coll. Felder. — Ex affinitate *E. Janthes* Fabr.

80. *Eresia Perlula* (Moritz in litt.)

Alis fuscis, supra disco fulvo radiatis serieque exteriore lunularum saturationum, anticis utrinque macula discali, binis internis, una exteriore fasciaque maculari subapicali nitide albidis, subtus omnium serie marginali lunularum, posticarum maculis quatuor basalibus fasciaque lata discali venis divisa subargenteis. ♂

Venezuela, in provincia Caracas. (Dr. Moritz). Coll. Kaden. — *E. Theonae* (Mén.) valde affinis, sed maculis discalibus multo magis elongatis vittaeformibus, posticarum fascia discali multo latiore, area tantum discali in pagina inferiore harum fulva lunulisque ibidem dimidio minoribus sat discrepat.

81. *Eunica Aspasia* Nob.

Alis ciliis albo intersectis, supra nigro-fuscis, disco extusque eleganter cyaneo nitentibus, subtus omnibus brunneis, anticis disco obscurioribus, macula angulata cellulari, aliis tribus linea transversa ordinatis totidemque apicalibus albidis, macula subapicali sesquialtera caeruleo pupillata quatuorque adjacentibus nigris, posticis lilacino suffusis, litura basali, altera discali, maculis duabus grossis prope basin, fascia discali alteraque submarginali macularibus, saturate fuscis, ocellis duobus magnis atris, cervino cinctis, superiore caeruleo bipupillato, inferiore minore, sesquialtero. ♂

Ecuador. Coll. Felder. — *E. Cinarac* (Hew.) valde affinis.

82. *Eunica Campana* Nob.

Alis supra cyaneo-nigricantibus, limbo externo brunneo, anticis macula interna dilute cyanea, his subtus brunneis, disco fusco vario, apice lilacino cinereo, posticis ibidem lilacino-brunneis, dimidio toto externo nitido, cinereo asperso, striga discali curvata circulisque quatuor fuscis obsoletissimis.

Nova Granada. Coll. Felder. — *E. Caralidi* (Hew.) quam maxime similis.

83. *Eunica Indigophana* (Moritz in litt.)

Alis supra cyaneo-nigricantibus, limbo externo nitenti brunneo, striga fusca undata diviso, subtus anticis brunneis, disco fusco vario, apice parum lilascenti-cinereo, striga exteriore fusciscente, posticis lilacino-brunneis, dimidio externo nitido, cinereo asperso,

striga discali, altera submarginali circulisque quatuor binatim conjunctis obsoletissimis fuscescentibus.

Venezuela, in provincia Caracas. (Dr. Moritz). Coll. Kaden et Felder. — Praecedente minor et linea marginali utriusque paginae facile distinguenda.

84. *Eunica picea* (Moritz in litt.)

Alis albo ciliatis, supra nigro-fuscis, anticarum dimidio basali obliquo, posticarum macula cellulari violaceo-cyaneis, subtus anticis brunneis, disco fusco variis, apice late lilacino cinereo, macula nigra binisque caeruleis ornato, posticis saturate lilacino-brunneis, disco limboque postico dense cinereo aspersis, maculis tribus basalibus anguloque anali fulvescentibus, striga basali, fascia angulata discali lineaque undulata submarginali fuscis, ocellis quatuor binatim conjunctis, caeruleo pupillatis, ochraceo-brunneis subobsoletis. ♂

Venezuela, in provincia Caracas. (Dr. Moritz). Coll. Kaden et Felder. — *E. Caresae* (Hew.) affinissima, signaturis alarum posticarum in pagina inferiore differt.

85. *Eunica Cabira* Nob.

Alis supra nitide rufescenti-brunneis, anticis unicoloribus, posticis disco obscure violaceo, subtus anticis brunneis, macula media atra apiceque testaceo, posticis saturate testaceis, glauco suffusis, lituris duabus, striga discali apud costam subrecta, medio curvata nigris, ocellis quinque obscure testaceis, obsoletis, duobus superioribus conjunctis, majoribus. ♂

Venezuela, in provincia Caracas. (Dr. Moritz). Coll. Kaden. — Valde affinis *E. Cariae* (Hew.), sed praesertim alis anticis supra unicoloribus, striga paginae inferioris alarum posticarum minus curvata ocellisque minoribus ejus differt.

86. *Epiphile Iblis* Nob.

Alis ♂ris supra obscure fuscis, ♀nae saturate fulvis, anticis dimidio externo late nigro, fasciis binis (in ♂re tribus) fulvis parallelis, posticis ♂ris plaga discali dilute cyanea, ♀nae fascia discali dilutiore alteraque adnata nigra abbreviatis, his subtus brunneis, macula costali incisa argentea, strigis duabus discalibus, ocellis quatuor obsoletis exterioribus lineaque undata submarginali.

Venezuela, in provincia Caracas. (Dr. Moritz). Coll. Kaden et Felder. Nova Granada. Coll. Felder. — *E. Oreae* Hübner. proxima, sed alae posticae minus dentatae et statura major.

87. *Myscelia leucoicyana* Nob.

Alis supra fuscis, anticis striga abbreviata cellulari, fasciis binis internis violaceo atomatis, maculis duabus ad cellulae extimum aliisque duodecim albis, posticis fasciis quinque violaceo-albidis, subtus anticarum apice posticarumque superficie omni albidis fusco variegatis, his macula discali majori nigricante. ♀

Venezuela, in provincia Caracas. (Dr. Moritz) Coll. Kaden. — Affinis *M. Cyaniridi* Doubly mexicanae, sed tertia parte minor et alarum anticarum apex minus porrectus et recte truncatus.

88. *Epicalia Salambria* Nob.

Alis supra atris, anticarum fascia interiore maculaque subapicali, posticarum fascia lata discali laete fulvis, subtus carneo-brunneis, anticis area lata basali ochracea fasciaque adjecta irregulari atra, macula costali albida notata, posticis fusco umbratis, striga basali interrupta lituraque subcostali atris. ♂

Cordillerae Bogotanae. Coll. Felder. — *E. Sabrinae* Hew. proxime accedit, sed statura tertia parte major.

89. *Eubagis Theseus* Moritz in litt.

Alis anticis nigro-fuscis, area interna trigona, puncto discali, macula costali binisque externis albis, posticis albis, basi margineque lato externo supra nigro-fuscis, subtus fulvo-ochraceis, nigro cinctis, hoc subtus macula alba elongata strigaeque plumbeo-cyanea ornato. ♂

Venezuela, in provincia Caracas. (Dr. Moritz). Coll. Kaden et Felder. Nova Granada, in provincia Bogotá, prope pagum Muzo. (Prof. Uricoechea). — *E. Leucothaeae* Bat., speciei amazonicae, quam cel. inventor mox descripturus sit, valde similis, sed margo fuscus alarum posticarum multo latior et in pagina inferiore macula alba notatus.

90. *Perisama Xenoclea* Nob.

Alis supra nigro-fuscis, anticarum stria basali, fascia discali maculaque subapicali, posticarum striga posteriore nitide virescenti-cyaneis, illis subtus area basali rosea, maculis duabus cyaneis subcostalibus, tertia costali apiceque pallide canescenti-brunneis, sericeo

nitidis, his omnino hoc colore, costa sanguinea, lineis duabus punctisque interjectis nigris. ♀

Venezuela, in provincia Caracas. (Dr. Moritz). Coll. Kaden et Felder. — *P. Eurycleae* Doubldy valde affinis, alae autem posticae apud angulum analem haud productae.

91. *Callitaenia* *) *Doris* Nob.

Alis supra nigricantibus, anticis stria basali fasciaque discali obliqua cyanea, posticis fascia submarginali cyanea, subtus omnibus strigis duabus submarginalibus tertiaque marginali nigris, anticis dimidio basali sanguineo, dein fascia angusta cyanea limboque apicali sericeo-albido, posticis sericeo-albidis, costa sanguinea, strigis duabus punctisque sex nigris. ♂

Ecuador. Coll. Felder. — Facies et magnitudo *Callicorum*.

92. *Catagramma* *Aegina* Nob.

Alis supra nigris, anticis fascia lata obliqua aurantiaco-flava, posticis plaga postica cyanea, his subtus strigis duabus ante medium tertiaque exteriore arcuata ochraceis, maculis sex interjectis albis, cyaneo marginatis, striga postica cyanea alteraque apicali ochracea submarginalibus contiguis.

Ecuador. Coll. Felder. — *C. Lycae* Hew. affinis.

93. *Catagramma* *Stratiotes* Nob.

Alis supra atris, anticarum area basali fasciaque transversa, posticarum vitta lata discali sanguineis, his subtus fuscis, striga basali, duabus annularibus connexis (annulo superiore maculam unicam, inferiore duas pallide cyaneas includente) quartaque antemarginali latis ochraceis, striga exteriore maculari pallide cyanea. ♂

Ecuador. Coll. Felder. — *C. Astartae* Cram. affinis, sed strigae paginae inferioris alarum posticarum multo latiores.

94. *Cyane* **) *Depuiseti* Nob.

Alis omnibus supra saturate cyaneis, anticarum fascia arcuata externa posticarumque fascia marginali apice latiore virescenti-plumbeis, subtus omnibus aeneo-virescentibus, costa omnium margineque interno posticarum basi sanguineis, anticis disco nigro-fusco punctisque

*) Vide Acta Acad. Nat. Curios. Vol. XXVIII.

**) Vide Acta Acad. Naturae Curios. Vol. XXVIII.

tribus atris, posticis striga discali flexuosa, altera exteriore maculari, maculis interjectis seriatis strigaeque antemarginali atris. ♂

Ecuador. Coll. Felder. — A *C. Leprieurii* Feisth., cujus plurima specimina ante nos habemus, statura majore, colore paginae superioris, fascia alarum anticarum ibidem angustiore, posticarum ad apicem latiore, striga maculari in harum pagina inferiore a margine multo magis remota alteraque antemarginali distincta recedit.

95. *Timetes Catulus* Nob.

Alis albo ciliatis, supra brunneis, fascia communi angusta alba, anticis maculis tribus subapicalibus aliisque externis albis, posticis strigis exterioribus fuscis, maculis tribus posticis quartaque ferruginea anali ocellaribus, subtus omnibus albis, lilacino tinctis, lituris basalibus, striga discali, aliis tribus externis lineaque marginali brunneis, anticarum linea antemarginali recta brunnea, posticarum undata nigra, his lunulis tribus minutis posticis punctoque anali ferrugineo cincto atris. ♂

Ecuador. Coll. Felder. — *T. Chrethoni* Fabr. affinis.

96. *Timetes Marcella* Nob.

Timetes Corinna var. Doubldy et Hew. Gen. of diurn. Lep. Atlas taf. 32 fig. 1.

Alis supra fuscis, anticarum fascia lata exteriore, intus diffusa, posticarum limbo apicali fulvis, his ciliis inferioribus albis, area discali violaceo-cyanea, lunulis posticis biseriatis albidis, subtus omnibus fulvo-brunnescentibus, fasciis quinque angustis lunulisque posterioribus subargenteis, harum quinque inferioribus in alis posticis atro notatis. ♂

Nova Granada. Ecuador. Coll. Felder. — A permultis speciminibus *T. Corinnae* (Latr.) comparatis alarum anticarum fascia multo latiore ciliisque inferioribus posticarum albo coloratis constanter differt.

97. *Timetes Hermione* Nob.

Alis supra saturate fuscis, dimidio basali nitide fulvo, subtus omnibus lilacino-brunneis, lineis angulosis punctisque exterioribus nigricantibus, striga exteriore ferruginea, anticarum maculis terminalibus, posticarum tribus analibus nigro pupillatis glaucescentibus. ♂

Ecuador, Peru. Coll. Felder. — *T. Jolae* Drury affinis, pagina superiore alarum anticarum bene differt.

98. Heterochroa Justina Nob.

Alis supra obscure fuscis, anticis fascia exteriori sinuata maculisque subapicalibus nitenti fulvis, posticis utrinque fasciola discali alba, subtus omnibus ferrugineo-fulvis, characteribus basalibus glaucocyaneis maculisque submarginalibus glaucis ferrugineo cinctis, anticis fascia ochracea, posticis maculis exterioribus ferrugineis. ♂
Cordillerae bogotanae. — *H. Leucophthalmae* (Latr.) affinis.

99. Heterochroa Malea Nob.

Alis supra fuscis, subtus ferrugineo-fulvis, fascia communi discali anticarum sinuata, supra fulvescente, subtus albida, anticarum strigis tribus, posticarum quatuor externis supra brunneis, subtus albidis, illis supra maculis duabus subapicalibus fulvis, his ibidem macula concolore anali, omnium basi subtus glaucescente characteribusque brunneis ferrugineo cinctis ornata. ♂

Venezuela, in provincia Caracas. (Dr. Moritz). Coll. Kaden et Felder. — Signaturis alarum anticarum species haec peculiaris *H. Erotiae* Hew., habitu vero *H. Phliassae* (Godt.) subsimilis est.

100. Apatura Elis Nob.

Alis supra fuscis, disco cyaneo suffuso, anticarum fascia obliqua discali, posticarum fascia exteriori postice angustata macularibus fulvis, illis utrinque maculis duabus subapicalibus albis, his strigis totidem submarginalibus margineque ipso angusto ferrugineis, subtus brunneocanis, strigis binis ferrugineis fasciaque nigricante, hac macula parva ocellari nigra ornata. ♂

Venezuela. (Dr. Moritz). Coll. Kaden et Felder. Ecuador. Coll. Felder. — *A. Vacunae* (Godt.) valde affinis.

101. Nymphalis *) Cleodice Nob.

Alis supra ferrugineo-fuscis, anticis extimo nigro, fascia lata discali sinuata, litura nigra notata maculaque exteriori albis, posticis macula anteriore alba, in fundum ferrugineum transfluente, subtus omnibus pallide brunnescentibus, brunneo variegatis, anticis fascia paginae superioris fusco variegata. ♀

Venezuela, in provincia Caracas. (Dr. Moritz). Coll. Kaden et Felder. — *N. Halicae* Hübn. affinis.

*) Vide Acta Acad. Naturae Curios. Vol. XXVIII.

102. *Nymphalis Tempe* Nob.

Alis supra nigro-fuscis, anticis vitta lata discali sinuata fasciolaque obliqua adjacente eleganter lilacinis in fundo vivide cyaneo, subtus omnibus brunneis, densissime cano variegatis, posticis strigis duabus fuscis punctoque ocellari ad caudae basin. ♂

Cordillerae bogotanae. Coll. Felder. — Species venustissima, *N. Ryphea* Cram., cui subsimilis, tertia parte major.

103. *Nymphalis Onophis* (Boisd. in litt.)

Alis supra cyaneo-nigris, basi cyanescentibus, anticis maculis quinque exterioribus pallide cyaneis, posticis punctis posticis albidis, subtus omnibus nitide cinereis, fascia communi discali irregulari obscuriore, posticis maculis binis subcostalibus argenteis punctisque albidis posticis atro notatis. ♂

Ecuador. Coll. Felder. — *N. Appiadi* (Hübner) accedit, sed absentia macularum marginalium cyanescentium in pagina superiore alarum posticarum facile dignoscitur.

104. *Nymphalis Chaeronea* Nob.

Alis caudatis, supra cyaneo-atris, anticis fascia terminali arcuata plumbea, posticis ad marginem plumbeo atomatis, subtus omnibus ferrugineo-fulvis, anticarum strigis duabus, posticarum quatuor obscure ferrugineis, his punctis posticis ocellaribus. ♀

Cordillerae bogotanae. Coll. Felder. — Species peculiaris, ad sectionem secundam cel. Westwoodii pertinens, magnitudine *N. Iphidis* Latr.

105. *Morpho Patroclus* Nob.

Alis supra nigris, fascia lata externa dilute cyanea, virescenti micante, anticis macula costali aliisque submarginalibus albis, subtus omnibus saturate fulvo-cervinis, maculis basalibus virescentibus, striga angusta undata virescente, altera in anticis albo-, in posticis rubro maculata tertiaque anticarum marginali, posticarum antemarginali cervinis, anticis fascia albido-virescente maculari ocellisque tribus subaequalibus atris, albo pupillatis, late fulvo cinctis, nigro virescentique annulatis, posticis ocello superiore majore tribusque inferioribus, ut in anticis coloratis, centro autem purpureis, superiore intus semicirculo lato virescenti amplexo, inferioribus ibidem fascia concolore terminatis. ♂

Cordillerae bogotanae. Coll. Felder. — Forma et pagina superior alarum fere *M. Deidamiae* Hübn., pagina autem inferior magis *M. Achillis* L., cujus staturam aequat.

106. *Caligo Oileus* Nob.

Alis pellucidis, supra brunneis, anticis graciliter subfalcatis, fascia exteriori subcurvata dilutiori, limbo externo obscure fusco fascia dilutiori, maculis quatuor apicalibus atris (tribus superioribus albo notatis), posticis disco cyanescenti tinctis, dimidio externo nigricante, subtus omnibus obscure fulvo-cervinis, extus albo reticulatis, anticis figuris distinctis cellularibus albidis, nigro terminatis, mappae geographicae similibus, fascia paginae superioris, strigis duabus undatis externis nigricantibus, ocellis binis apicalibus (inferiore majore, flavido cincto), posticis basi intusque dense albo reticulatis, characteribus disci lituraeque inter venam subcostalem et discoidalem atris, macula costali ocellari fundi colore, ocelloque magno posteriore atro, flavo cincto. ♂ ♀

Venezuela, in provincia Caracas. (Dr. Moritz). Coll. Kaden et Felder. Cordillerae bogotanae. Coll. Felder. — A *C. Eurylocho* et *Ilioneo* Cram. forma alarum, signaturis cellularibus in pagina inferiore anticarum et absentia maculae ocellaris inter ramum secundum subcostalem et venam discoidalem in eadem pagina posticarum constanter recedit transitumque ad *Idomeneum* L. format.

107. *Opsiphanes Tamarindi* Boisd. in litt.

Alis supra obscure fuscis, anticis fascia angusta transversa, pallide fulvescente vel albida lunulisque tribus apicalibus albis, posticis ♀ nae apice albido, subtus omnibus brunneis, anticis characteribus cellularibus strigisque duabus exterioribus refractis nigris, posticis fusco variegatis, lituris discalibus nigris, ocellis duobus, costa ad basin limboque interno albo variegatis.

Venezuela. (Dr. Moritz). Coll. Kaden et Felder. Bogotá, Mexico (Sallé). Coll. Felder. — *O. Cassiae* L. valde affinis, at major, strigis externis in pagina inferiore alarum anticarum magis refractis, alis posticis ♂ ris apud angulum analem haud productis coloreque paginae superioris optime differt.

ZOBODAT - www.zobodat.at

Zoologisch-Botanische Datenbank/Zoological-Botanical Database

Digitale Literatur/Digital Literature

Zeitschrift/Journal: [Wiener Entomologische Monatsschrift](#)

Jahr/Year: 1861

Band/Volume: [5](#)

Autor(en)/Author(s): Felder Cajetan Freiherr von, Felder Rudolf

Artikel/Article: [Lepidoptera nova Columbiae diagnosibus collustrata. 97-111](#)